

Mwandishi akiuka makubaliano

MAPUTO, Msumbiji *Uhuru 13/1/88. p. 2*

MAOFISA wa serikali ya Msumbiji wamekielezea kitendo cha mwandishi wa habari wa Afrika Kusini kuvuka mpaka na kuingia nchini akiongozana na magaidi wa MNR kama ni "ukiukaji mkubwa wa mkataba wa Nkomati" wa mwaka 1984 unaozuia kufanyiana uhasama."

Mwandishi huyo, Cloete Breytenbach, wa gazeti la Johannesburg "Star", alichapisha makala Januari 7 ambamo alijigamba kuwa aliingia Msumbiji na kutembelea kambi za MNR katika jimbo la Maputo.

Makala hiyo, ambayo ilikuwa inasifia na kuitukuza MNR, inachukuliwa hapa kama ni jaribio la magaidi wa MNR kujikosha baada ya mauaji kadhaa waliyoyafanya kusini

ya Nkomati

mwa Msumbiji katika kipindi cha nusu ya pili ya mwaka 1987.

Msemaji wa serikali hapa, ambaye hakutaka itajwe, alisema kuwa Msumbiji inachukuliwa "kwa makini" kitendo cha Breytenbech kuingia Msumbiji isivyo halali pamoja na makala aliyoandika.

Aliyekuwa Rais wa Msumbiji, Hayati Samora Machel, na Rais mbaguzi wa Afrika Kusini, Kaburu P.W. Botha, katika sherehe maalum zilizofanyika kando ya Mto Nkomati, walitia saini Machi 16, 1984, mkataba wakiahidi "kuheshimu mipaka na

uhuru" wa kila moja ya nchi hizi mbili.

Afrika Kusini iliahidi kuwa ingeacha kuwaunga mkono na kuwasaidia magaidi wa MNR iwapo Msumbiji nayo itaacha kuwaruhusu kutumia ardhi yake wapiganaji wa Chama cha Ukombozi wa Afrika Kusini (ANC).

ANC inaendesha vita vya ukombozi dhidi ya utawala wa makaburu nchini Afrika Kusini.

Maofisa wa Msumbiji walisema kuwa wanaweza kusema kwa uhakika kabisa kwamba Afrika Kusini imekiuka vifungu vya nne na tano vya mkataba kwa kumruhusu mwandishi huyo kufuatana na magaidi wa MNR.

Kifungu cha nne cha mkataba kinazungumzia mpaka kati ya nchi mbili hizi na kinahimiza ulinzi wa doria "ili kuzuia uvukaji mpaka isivyo halali".